

水经注

一  
函  
十  
册  
函

水經卷二十

漢書撰

後魏酈道元注

漾水

丹水

漾水出隴西道縣蟠冢山東至武都沮縣爲漢水

常璩華陽國記曰漢水有二源東源出武都氏道縣

漾山爲漾水禹貢導漾東流爲漢是也西源出隴西

蟠冢山會泉逕葭萌入漢始源曰沔按沔水出東狼

谷逕沮縣入漢漢中記曰蟠冢以東水皆東流蟠冢

以西水皆西流即其地勢源流所歸故俗以蟠冢爲

分水嶺即此推沔水無西入之理劉澂之云有水從

沔陽宋本作沔縣南至梓潼漢壽入大穴暗通罝山郭

景純亦言是矣。罝山穴小，本不容水，水成大澤而流，與漢合。庾仲邕又言：漢水自武遂川南入蔓葛谷，越野牛逕至開城，合西漢水。故諸言漢者，多言西漢水。至葭萌入漢，又曰：始源曰沔，是以經云：漾水出氐道縣東，至沮縣，爲漢水。東南至廣魏白水。凡廣魏宋本俱作廣漢診其泂注，似與三說相符，而未極西漢之源矣。然東西兩川俱受沔，漢之名者，義或在茲矣。班固地理志：司馬彪袁崧郡國志並言：漢有二源，東出氐道西出西縣之蟠冢山。關駟云：漢或爲漾，漾水出崑崙西北隅，至氐道重源顯發而爲漾水。又言隴西縣蟠冢山在西，西漢水所出，南入廣魏白水。又云：漾水出源道。

東至武都入漢許慎吕忱竝言漾水出隴西獮道東

至武都為漢水不言氐道然獮道在冀之西北又隔

諸川無水南入疑出獮道之為謬矣漢地理志獮道縣在天水郡應

劬云獮戎邑也音完又云漢漾也東為滄浪水山海經曰嶓冢

之山漢水出焉而東南流注於江然東西兩川俱出

嶓冢而同為漢水者也孔安國曰泉始出為漾其猶

漾耳而常璩專為漾山漾水當是作者附而為山水

之殊目矣余按山海經漾水出崑崙西北隅而南流

注於配塗之水山海經作醜塗穆天子傳曰天子自春山西

征至於赤烏氏已卯北征庚辰濟於泂水辛巳入於

曹奴之人戲觴天子於泂水之上當云辛巳入於曹奴曹奴之人戲觴

天子今穆天子傳亦跋  
曹奴二字遂不可句  
乃獻良馬九百牛羊七千天

子使逢固受之天子乃賜之黃金之鹿戲乃膜拜而  
受余以太和中從高祖北巡狄人猶有此獻雖古今  
世殊而所貢不異然川流隱伏卒難詳照地理潛閔  
變通無方復不可全言閩氏之非也雖津流派別枝  
渠勢縣原始要終潛流或一故俱受漢漾之名納方  
土之稱是其有漢川漢陽廣漢漢壽之號或因其始  
或據其終縱異名互見猶爲漢漾矣川共目殊或亦  
在斯今西縣嶓冢山西漢水所導也然微涓細注若  
通纂歷津注而已西流與馬池水合水出上邽西南  
六十餘里謂之龍淵水言神馬出人事同徐吾來淵



之異

徐吾當作余吾漢書元狩二年馬生余吾水中元鼎四年馬生渥注水中應劭注云余吾在朔

方故因名焉開山圖曰隴西神馬山有淵池龍馬所

生即是水也其水西流謂之馬池川又西流入西漢

水西漢水又西南流左得蘭渠谿水次西有山黎谷

水次西有鐵谷水次西有石耽谷水次西有南谷水

竝出南山揚湍北注右得高望谷水次西得西谿水

次西得黃花谷水咸出北山飛波南入西漢水又西

南資水注之水北出資川導源四壑南至資峽總爲

一水出峽西南流注西漢水西漢水又西南得峽石

水口水出苑亭曰草里谷

宋本作苑亭西草黑谷

三谿西南至

峽石口合爲一瀆東南流屈而南注西漢水西漢水

又西南合楊廉川水水出西谷衆川瀉流合成一川  
東南流逕西縣故城北秦莊公伐西戎破之周宣王  
與其大駱大丘之地爲西垂大夫亦西垂官也王莽  
之西治矣建武八年世祖至陽河竇融等悉會天水  
震動隗囂將妻子奔西城從楊廣廣死囂孤舊本作愁  
城守時潁川賊起車駕東歸留吳漢岑彭圍囂岑等  
壅西谷水以縑幔盛土爲隄灌城城未沒丈餘水穿  
壅不行地中數丈涌出故城不壞請蜀救至漢等退  
還上邽但廣廉字相狀後人因以人名名之故習僞  
爲楊廉也置楊廉縣焉又東南流右會茅川水水出  
西南戎谿東北流逕戎丘城南吳漢之圍西城王捷

登城向漢軍曰爲隗王城守者皆必死無二心願諸

將亟罷宋本作還請自殺以明之遂刎頸而死又東北流

注西谷水亂流東南入於西漢水西漢水又西南逕

始昌峽始昌縣故城西晉書地道記曰天水始昌縣

故城西也亦曰清崖峽西漢水又西南逕巖備戍宋

本作宕南左則巖備水自東南西北注之右則鹽官水

南入焉水有鹽官在番冢西五十許里相承營煮不

輟味與海鹽同故地理志云西縣有鹽官是也其水

東南逕巖備戍西東南入漢水漢水又西南合左谷

水水出南山窮谿北注漢水又西南蘭軍宋本作蘭

又有蘭坑疑作蘭坑水出於西北至交谷宋本作交谷東南歷祁山



軍東南入漢水漢水又西南逕祁山軍南雞水出南雞谷北逕水南縣西北流注於漢漢水又西建安川水入焉其水導源建威西北山白石戍東南二源水合注東逕建威城南又東與蘭坑水會水出西南近谿東北逕蘭坑城西東北流注建安水建安水又東逕蘭坑城北建安城南其地故西縣之歷城也楊定自隴右徙治歷城即此處也去仇池一百二十里後改爲建安城其水又東合錯水水出錯水戍東南而東北入建安水建安水又東北有雉尾谷水又東北有太谷水又北有小祁山水竝出東谿揚波西注又北左會胡谷水水西出胡谷東逕金盤歷城二軍北

軍在水南層山上其水又東注建安水建安水又東北逕塞峽元嘉十九年宋太祖遣龍驤將軍裴方明伐楊難當將妻子北奔安西參將魯尚期追出塞峽即是峽矣左山側有石穴洞人言潛通下辨所未詳也其水出峽西北流注漢水漢水北連山秀舉羅峰競峙祁山在嶓冢之西七十里宋本作七十里許里無置字山上有城極爲巖固昔諸葛亮攻祁山即斯城也漢水逕其南城南三里有亮故壘壘之左右猶豐茂宿草蓋亮所植也在上邽西南二百四十里開山圖曰漢陽西南有祁山谿徑逶迤山高巖嶮九州之名咀天下之奇峻今此山於衆阜之中亦非爲傑矣漢水又西

南與申

宋本  
作甲

谷水合水出西南申谷東北流注漢水

漢水又西逕南呀

原作岸宋本作呀蓋  
岸寫之誤今改正

北中呀之上

下有二城相對左右墳隴低昂亘山被阜古語

一作  
諺

云南呀北呀萬有餘家諸葛亮表言祁山縣出租五

百

宋本云祁山縣  
去沮五百里

有民萬戶矚其丘墟信爲殷矣漢

水西南逕武植戍南武植戍水發北山二源奇發合

於安民戍南又南逕武植戍西而西南流注於漢水

漢水又西南逕平夸戍南又西南夸水注之水出北

山南逕其戍西南入漢水漢水又西逕蘭倉城南又

南右會兩谿俱出西山東流注於漢水張華博物志

云溫水出烏鼠山下注漢水疑是此水而非所詳也

漢水又南入嘉陵道而爲嘉陵水然世俗名之爲階

陵水非也漢水又東南右

右字疑衍舊本作名吳改作右

得北谷水

東南得城階水

城階疑作武階

又東南得倉谷水右三水竝

出西谿東流注漢水漢水又東南逕瞿堆西又屈逕

瞿堆南絕壁峭峙孤嶮雲高望之形若覆壺其高二

十餘里羊腸蟠道三十六迴開山圖謂之仇夸所謂

積石嵯峨嶽岑隱阿者也上有平田百頃煮土成鹽

因以百頃爲號山上豐水泉所謂清泉涌沸潤氣上

流者也漢武帝元鼎六年開以爲武都郡天池大澤

在西故都爲目矣主蔣夔名樂平郡縣曰循虜縣常

璩范曄云郡居河池一名仇池池方百頃即指此也

左右悉白馬氏矣漢獻帝建安中有天水氏楊騰者  
世居隴右為氏夫郎子駒勇健多計徙居仇池魏拜

為百頃氏王漢水又東合洛谷

疑脫水字

谷有二源合同

注一壑於神虵戍西左右山谿多五色虵性馴良不

為物毒洛谷水又南逕虎楸戍東又南逕仇池郡西

瞿堆東西南入漢水漢水又東合洛漢水

洛漢當作洛溪下同

水北發洛谷南逕威武戍南又西南與龍門水合水

出西北龍門谷東流與橫水會東北窮谿即水源也

又南逕龍門戍東又東南入洛漢水又東南逕上祿

縣故城西修源濟導逕引北谿南總兩川單流納漢

漢水又東南逕濁水城南又東南會平樂水水出武

階宋本作水出武源按下文數舉武街知階當東北作街而宋本自誤耳十六國春秋亦作武街

四十五里霞馳南谿導源東北流山側有甘泉涌波

飛流下注平洛水又逕甘泉戍南又東逕平洛戍南

又東入漢謂之會口漢水東南逕修城道南與修水

合水總二源東北合漢漢水又東南於槃頭郡南與

濁水合水出濁城北東流與丁令谿水會其水北出

丁令谷南逕武街城西東南入濁水濁水又東逕武

街城南故下辨縣治也李倉李稚以氐王楊敵堅妻

死葬陰平襲武街為氐所殺於此矣按華陽國志十六國春秋並云

氏王楊茂搜子難敵堅頭為劉曜所破奔晉壽守將李稚受其賂遺不送成都遣難敵兄弟還武都遂即

叛稚與兄侍中琰攻難敵由白水橋進攻下辨而琰弟玠攻陰平難敵遣軍拒玠而琰稚徑至下辨武街



難敵絕其歸路四面攻之溪入無繼皆為氏  
衆所殺此云楊敵堅妻死葬陰平所未詳也今廣漢

郡治濁水又東弘休水休世本作體蓋休寫之誤今據宋本改正注之水

北出谿南逕武街城東而南流注於濁水濁水又東

逕白石縣南續漢書曰虞詡為武都太守下辨東三

十餘里有峽峽中白一作當水生大石障塞水流春夏

輒潰溢敗壞城郭詡使燒石以水灌之石皆碎裂因

鑄去焉碎裂舊本作淬裂後漢書虞詡傳注引續書云以水灌之石皆坼裂因鑄去石遂無

汎溢之害濁水即白水之異名也濁水又東南渥陽

水北出渥谷南逕白石縣東而南入濁水濁水又東

南與仇鳩水合水發鳩谿南逕河池縣故城西王莽

之樂平亭也其水西南流注濁水濁水又東南與何

池水合水出河池北谷南逕河池戍東西南入濁水  
濁水東南兩當水注之水出陳倉縣之大散嶺西南  
流入故道川謂之故道水西南逕故道城東魏征仇  
池築以置戍與馬鞍山水合水東出馬鞍山歷谷西  
流至故道城東西入故道水西南流北川水注之水  
出北洛欒山南南流逕唐倉城下南至困冢川入故  
道水故道水又西南歷廣香交合廣香川水水出南  
田縣利一作穆喬山南流至廣香川謂之廣香川水又  
南注故道水謂之廣香交故道水又西南入秦岡山  
尚婆水注之山高入雲遠望增狀若嶺紆曦軒峰駐  
月駕矣縣崖之側列壁之上有神象若圖指狀婦人

之容其形上赤下白世名之曰聖女神至於福應徃  
違方俗是祈水源北出利喬山南逕尚婆川謂之尚  
婆水歷兩當縣之尚婆城南魏故道郡治也西南至  
山入故道水故道水右又合黃廬山水水出西北天  
水郡黃廬山腹歷谷南流交注故道水故道水南入  
東益州之廣漢郡界與沮水枝津合謂之兩當谿水  
上承武都沮縣之沮水瀆西南流注於兩當谿虞詡  
爲郡漕穀布在沮從沮縣至下辨山道嶮絕水中多  
石舟車不通驢馬負運僦五致一詗乃於沮受僦直  
約自致之即將吏民按行皆燒石櫛木開漕公道水  
運通利歲省萬計以其僦廩與吏士年四十餘萬也